

Universitätsbibliothek Paderborn

**Mechlinia Illustrata Luce Miraculorum S. Francisci Xaverii
Orbis Utriusque Solis Ac Thaumaturgi Chronicis Distichis
evulgata Anno M.D.C.LXVI.**

Grumsel, Gérard

Mechliniae, 1666

Tertia. Andreas Dei & Apostolicæ Sedis gratiâ Archiepiscopus
Mechlimiensis & c. omnibus has visuris salutem in Domino.

urn:nbn:de:hbz:466:1-13399

Quas quidem subitas *¶* mirabiles sanationes diligent per nos facto
examine in talibus adhiberi solito, tenore praesentum declaramus su-
pernaturales, *¶* miraculis adscribimus, *¶* ut tales volumus pu-
blicari, ut Christi Fideles excitentur ad devotas preces fundendas.
Divinae Bonitati, quae per intercessionem magni illius Indianorum
Apostoli Sancti FRANCISCI XAVERII talia signa *¶* dona
desuper elargiri dignata est: ut quod in tribus hinc personis acci-
disse *¶* miramur *¶* veneramur, etiam in omnibus necessitatibus
nostris eundem apud Majestatem Divinam habeamus patronum. In
quorum fidem praesentes signatur *¶* sigillo nostris munitas dedi-
mus.

Mechliniae die quartâ Mensis Novembris
Anno Domini. M. DC. LX.

Locus *¶* Sigilli.

Andreas Archiepiscopus Mechliniensis

T E R T I A.

ANDREAS Dei & Apostolicæ Sedis gratia Archiepiscopus Mechliniensis &c. Omnibus has visuris salutem in Domino.

Quemadmodum inter varias urbes, quæ sacras Sancti FRANCISCI XAVERII colunt Reliquias; in primis in Belgio eminet Mechlinia Diocesis nostra sedes, ubi primum ille Nobis approbantibus publicæ venerationi in templo Societatis JESU fuere expositæ: ita ad plura *¶* illustriora conferenda beneficia, per miraculosum *¶* beneficium brachium Servi sui, ibidem indies Divina Manus sese extendit. Nam præter ea, quæ à nobis *¶* aliis Ecclesiæ Præsulibus mature examinata atque ritè antehac approbata sunt beneficia ac miracula; intellectimus non ita pridem, gloriosum illum Indianum Apostolum fecisse iterum prodigiosam sane potentiam in
brachio

brachio suo. Quod ut certius nobis *D* omnibus constet, hisce notum facimus, accuratè inquire jussisse nos in subitam, hodieque perseverantem sanationem à novennali Hernia, quam prædicti Sancti beneficio civis quidam Mechliniensis impetravit, uti ex consequente authenticâ narratione ad nos transmissa fit manifestum.

Guilielmus Ploegaerts ætatis annum agens quintum supra septuagimum, novem omnino annos gravissimis Herniae intestinalis cruciatibus affictus fuit, extuberante sæpius malo ad magnitudinem infantilis capitis. Hujus rei oculata testis est *Margareta de Hooch Guilielmi* conjux: & præterea *Ludovicus van Bael*, qui non semel juratus depositus, se prædictum Guilielmum præ dolore immœnibus prostratum, & procedere non valentem, manu suâ admotâ, ita affectum, paucis, antequam sanatus est, diebus deprehendisse. Quem etiam à quatuor, aut quinque retro annis, quibus cum eo laboravit, non raro animadvertisit ex eo malo ab opere desistere debuisse.

Fecerat enim virum morbi vis jam ab initio laboribus planè imparem accrescentibus in dies doloribus. Adeo vehementer, potissimum eâ nocte, quæ undecimam mensis Decembris diem Anno 1662. subsecuta est, cruciatus fuit, ut sibi supremam horam proprius instare persuaderet: protestatus beneficii loco habiturum se, si violentâ licet morte, miserabilem clauderet vitam. Inter vicinos lamentantis ejulatibus somno excitatos, filia quædam, sub horam à media nocte primam, in levamen ægri, & ipso quidem inscio, votum fecit S. FRANCISCO XAVERIO Mechliniæ ad miraculosa ejus Lipsana persolvendum. Facto voto cessat audiri omnis omnino ægri lamentatio. Primo mane adit Guilielmi domum vicina, percunctatur qui valeat: respondet Magdalena Guilielmi filia, jam inde ab hora noctis prima hucusque levi somno obdormiscere. Tum verò vicina: at, inquit, hâc ipsâ noctis horâ in solarium parentis tui magno illi Indianum Apostolum FRANCISCO XAVERIO votum emisit, quod protinus persolvam. Iam inde à concepto illo persolitoque voto, ad hodiernam usque diem perstat Guilielmo perfecta curatio: nec ullum prorsus interea temporis, quod duos jam annos complectitur, ex antiquo malo dolorem

rem sensit: incessit, peregrè profectus est, laboravit eâ facilitate
ac si nunquam ullis Herniæ cruciatibus affectus fuisset. Quin imò
vir id ætatis, primâ Maii Anni 1663, à recuperata valetudine mense
sextø, Mechliniâ Antwerpianam sarcinâ onustus, uno eodemque die,
pedes pervenit, alacerque reversus est. Deinde inter ardentissi-
mos solis æstivii calores rursus Mechliniâ Bruxellam unius diei spa-
tio ivit redivitque sanus & incolumis. Testatur præterea Guiliel-
mus duobus ab obtenta sanitate annis sese consuetis artis suæ,
quam profitetur, laboribus sane difficultibus, (olior enim est) citra
ullum doloris sensum strenuè persunctum esse, todisse, semijs ter-
ræ mandasse, humido frigidoque solo, horti sui excolendi gratiâ
ad multis horas incubuisse, & cetera ejusmodi laboriosa opera
fecisse, quæ Herniæ malo maximè adversari experientia edocet.
Item plantasse, loco suo dinovisse, ascendisse arbores, & quidem
nuperâ estate ex una earum justæ magnitudinis casu in terram cor-
ruisse, nullo prorsus antiqui mali apparente indicio. Quamvis
antea, totis novem, quibus eo afflictus fuerat, annis, tum potis-
sum, cum aut cœlum humidius, ac frigidius esset, aut artis suæ
laboribus non nihil intendisset, ingenti doloris sensu, continuo
è corpore erumperet, ingravesceretque.

Posteaquam ad aures nostras à pluribus viris fide dignis hæc om-
nia pervenissent; de iis per Reverendos admodum Dominos Antonium
Vermeulen S. Theologiae Licentiatum & Ecclesiæ nostra Metropoli-
tanæ Canonicum graduatum; & Joannem Baptystam Bernartum
ejusdem Ecclesiæ Plebanum ac Canonicum, Commissarios ad hoc depu-
tatos ex nostro mandato, captae sunt de singulis informationes, in for-
ma legitima: quibus prædictus Guilielmus ejusque uxor, ac filia &
Ludovicus van Dael jurati subscripsere, quasque iidem R. R. DD:
Commissarii sua manu firmarunt, & ad nos transmiserunt. Accesserunt
præterea multiplicia nominatissimorum Medicorum testimonia,
Mechliniensium, Antwerpensium, Bruxellensum, & duorum pri-
miorum Medicinæ Professorum ac Doctorum in celeberrima Acadé-
mia Lovaniensi: qui pari omnes consensu attestantur, ejusdem subitam
ac constantem à novennali Hernia liberationem in vitro 75. annorum,
supra naturæ vires esse. Quibus auditis & coram Deo mature ex-
pensis

pensis, nec non super eo etiam Theologorum & aliorum doctorum
virorum habito consilio juxta modum in approbatione novorum Miran-
culturum à Concilio Tridentino præscriptum: conformantes nos R.R.
D.D. Commisariorum sententia; qui mature & accuratè omnia ex-
aminarunt, & appenderunt: decernendum duximus, prout per pre-
sentes decernimus, posse & debere dictam Guilielmi sanationem mi-
raculosam, & per merita S.FRANCISCI XAVERII a Deo factam
& impetratam censi, & publicari, & ut tales publicamus, ac
decernimus. In quorum fidem basce manu & sigillo nostris munici-
tas per Secretarium nostrum expediri jussimus, Deum qui glorifican-
tes se glorificat, & in Sanctorum suorum honoribus honoratur, hu-
mileriter deprecantes, ut sicut Beati F RANCISCI XAVERII
gloriosa merita ac beneficia experti & venerabundi agnoscimus; ita
ejus pia patrocinia deinceps saepius sentiamus.

Datum Bruxellis, die
23. Mensis Novemb.
Anno Domini 1664.

Locus + sigilli.

Andreas Archiepis. Mechliniensis